



საჯარო სამართლის იურიდიული პირი
თბილისის ვანო სარაჯიშვილის
სახელობის სახელმწიფო
კონსერვატორია

თბილისი 0108, გრიბოედოვის ქ. N 8-10 ტელ/ფაქსი: (+995 32) 2 999 144,
www.tsc.edu.ge ელ-ფოსტა: info@tsc.edu.ge;



KA000031861429626

№ 02-101-R

11 / სექტემბერი / 2026 წ.

ბ რ ძ ა ნ ე ბ ა

სსიპ - თბილისის ვანო სარაჯიშვილის სახელობის სახელმწიფო კონსერვატორიის აკადემიური საბჭოს წევრთა არჩევნების დანიშვნის, წევრობის კანდიდატთა რეგისტრაციის ვადების განსაზღვრისა და საარჩევნო კომისიის შემადგენლობის დამტკიცების შესახებ

„უმაღლესი განათლების შესახებ“ საქართველოს კანონის მე-16 მუხლის პირველი პუნქტის „ე“ ქვეპუნქტის, მე-20 მუხლის, საქართველოს ზოგადი ადმინისტრაციული კოდექსის 51-ე მუხლის პირველი ნაწილის, 52-ე მუხლის პირველი და მე-3 ნაწილების, 53-ე მუხლის მე-3 ნაწილის, 54-ე მუხლის პირველი ნაწილის, 55-ე მუხლის, 56-ე მუხლის მე-2 და მე-3 ნაწილების, 57-ე და მე-100 მუხლების, საქართველოს კულტურისა და ძეგლთა დაცვის მინისტრის 2014 წლის 07 ივლისის N 05/90 ბრძანებით დამტკიცებული „საჯარო სამართლის იურიდიული პირის თბილისის ვანო სარაჯიშვილის სახელობის სახელმწიფო კონსერვატორიის წესდების“ მე-6 მუხლის პირველი პუნქტის „ე“ ქვეპუნქტის, მე-7 მუხლის, მე-14 მუხლის პირველი პუნქტის, მე-8 პუნქტის „ა“, „ნ“ და „ო“ ქვეპუნქტების, მე-9 პუნქტის, 24-ე მუხლის მე-3 პუნქტის საფუძველზე,

ვ ბ რ ძ ა ნ ე ბ ა:

1. სსიპ - თბილისის ვანო სარაჯიშვილის სახელობის სახელმწიფო კონსერვატორიის აკადემიური საბჭოს წევრთა უფლებამოსილების 2026 წლის 30 სექტემბერს ამოწურვის გამო, ვაკანსიების შევსების მიზნით, დაინიშნოს აკადემიური საბჭოს წევრთა არჩევნები 2026 წლის 25 სექტემბერს:

ა) საშემსრულებლო ფაკულტეტი - 3 (სამი) წევრი;

ბ) კომპოზიციისა და მუსიკოლოგიის ფაკულტეტი - 3 (სამი) წევრი.

2. აკადემიური საბჭოს წევრთა არჩევნების ჩატარების უზრუნველყოფის მიზნით, შეიქმნას საარჩევნო კომისია შემდეგი შემადგენლობით:

ა) **ნინო უშიკიშვილი** - სასწავლო დეპარტამენტის უფროსი, კომისიის წევრი;

ბ) **დალი დავლიანიძე** - საქმეთა წარმოების სამსახურის უფროსი, კომისიის წევრი;
კომისიის წევრი;

გ) **მარიამ ელიშბარაშვილი** - ადამიანური რესურსების მართვის სამსახურის სპეციალისტი, კომისიის წევრი.

3. დაევალოს საარჩევნო კომისიას სსიპ თბილისის ვანო სარაჯიშვილის სახელობის სახელმწიფო კონსერვატორიის აკადემიური საბჭოს წევრთა 2026 წლის 25 სექტემბრის არჩევნების დადგენილ ვადებში, მოქმედ კანონმდებლობასთან, კონსერვატორიის წესდებასთან და კონსერვატორიის „სსიპ - თბილისის ვანო სარაჯიშვილის სახელობის სახელმწიფო კონსერვატორიის აკადემიური საბჭოს არჩევის წესთან“ შესაბამისობაში ჩატარება.

4. აკადემიური საბჭოს წევრობის კანდიდატთა რეგისტრაცია განხორციელდეს 2026 წლის 16 სექტემბრიდან 2026 წლის 22 სექტემბრის ჩათვლით 10.00-დან 18.00 საათამდე, შაბათ-კვირის გარდა; (მისამართი: ქ. თბილისი, ალ. გრიბოედოვის ქ. №8-10, ოთახი №216); სარეგისტრაციო განაცხადისა და დოკუმენტაციის გამოგზავნა ასევე შესაძლებელია ელექტრონულ მისამართზე: konkursi@tsc.edu.ge;

5. აკადემიური საბჭოს წევრობის კანდიდატებს ევალებათ სარეგისტრაციო განცხადებაში (იხ. თანდართული განცხადების ფორმა) დაადასტურონ, რომ სხვა უმაღლეს საგანმანათლებლო დაწესებულებაში არ უკავიათ აკადემიური ან ადმინისტრაციული თანამდებობა. აკადემიურ საბჭოში არ შეიძლება არჩეულ იყვნენ კონსერვატორიის ადმინისტრაციული თანამდებობის მქონე პირები და აგრეთვე წარმომადგენლობითი საბჭოს წევრები.

6. აკადემიური საბჭოს წევრები პირდაპირი, თავისუფალი და თანასწორი არჩევნების საფუძველზე, ფარული კენჭისყრით აირჩევიან ფაკულტეტის აკადემიური პერსონალის ყველა წევრისა და ფაკულტეტის საბჭოს წევრ სტუდენტთა თვითმმართველობის წარმომადგენლების მიერ; აკადემიური საბჭოს წევრები აირჩევიან 2026 წლის 30 სექტემბრიდან 4 (ოთხი) წლის ვადით.

7. „უმაღლესი განათლების შესახებ“ საქართველოს კანონის მე-20 მუხლის მე-3 პუნქტის შესაბამისად, აკადემიური საბჭოს წევრად აირჩევა წამყვანი პროფესორი, პროფესორი ან ასოცირებული პროფესორი. პირი აკადემიური საბჭოს წევრად ზედიზედ მხოლოდ ორჯერ შეიძლება აირჩეს.

8. წინამდებარე ბრძანების საჯაროდ გაცნობის მიზნით თვალსაჩინო ადგილზე განთავსება დაევალოს კონსერვატორიის საქმეთა წარმოების სამსახურს.

9. ბრძანება განთავსდეს კონსერვატორიის ოფიციალურ ვებგვერდზე www.tsc.edu.ge;

10. ბრძანების შესასრულებლად გადაცემა მასში მოყვანილ დაინტერესებულ პირთათვის დაევალოს კონსერვატორიის საქმეთა წარმოების სამსახურს.

11. ბრძანება ძალაში შედის გამოცემისთანავე.

12. კონტროლი ბრძანების შესრულებაზე დაევალოს ადმინისტრაციის ხელმძღვანელს - ალექსანდრე გაბუნიას.

13. წინამდებარე ბრძანება დაინტერესებული პირის მიერ შეიძლება გასაჩივრდეს, კანონმდებლობით დადგენილი წესით, ძალაში შესვლის დღიდან 1 თვის ვადაში ქ. თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, №64).

თბილისის ვანო სარაჯიშვილის სახელობის
სახელმწიფო კონსერვატორიის რექტორი

ხელმოწერა/
შტამპდასმულია
ელმეტრონულად



გიორგი ვაჩნაძე